

何者為無因而至故也若物有所因則良馬勞於驅闌上音

驅者是古之合市人闌者是馬行至空地也

美材朽於幽谷寶珠觸於按劍若有所因而至則良馬一顧千金樟木光於紫殿珠擊之玉匣今人之居代雖抱才智幽鬱窮閭而無所因耶未有為之聲譽光之以吹瑩欲望身之光名之顯猶捫虛縛風

猶捫虛而欲縛風捫者摸也摸虛而欲縛風也

蕭揚充雪豈可得乎

劉子卷之四

劉子卷之五

無五 播州錄事參軍袁孝政註

託附第二十一

夫含氣庶品未有不託附物勢以成其便者也故霜鴈託於秋風以成輕舉之勢騰蛇附於春霧志希凌霄之遊麀鼠附於蚤蚤以攀追日之步

西方有此獸也其名為之鼠鼠前而蚤後趨即頓走則負蚤蚤鼠後而免前高不能取食故須之食之今鴈門廣武縣夏屋山有蚤虫如兔而大相負共行其名為之麀鼠也

碧蘿附於青松以茂凌雲之葉以夫鳥獸蟲卉之志猶知因風假霧託峻附高以成其事何況於人而無託附以就其名乎故所託英賢則跡光名顯所附闇蔽則身悴名朽天之始旭

日初出貌也

則目察輕煙歲之將暮則蓬卷雲中目之能見蓬之能高託日之光附風之勢也綴羽於

金鐵置之於江湖必也沉溺陷於泥沙非羽質重而性沉所託沉也載石於舟置之江湖則披風截波沉颺長湖非石質輕而性浮所託浮也搏牛之蚤飛極百步若附鸞尾則一翥萬里非其翼工所託迅也樓季足捷進越奔光

樓季是古之能走人追越奔女光故言也若駕疲驢則日不涉一舍

二十里為一舍驢者是天后之馬者也非其脛運所託蹇也是以觀之附得其所則重石可浮短翅能遠附失其所則輕羽淪溺迅足成蹇夫燕之巢幕銜泥補綴爛若綬紋雖陶匠逞妙不能為之可謂固矣然孰旋剔

軍遠而為之凱旋剔幘間除去也

則巢破子裂是所託危也鶴鷄巢葦之莖絃之以絲髮珠圓羅網雖女工運巧不能為之可謂固矣然蚤風欲至

蚤風是未風也

則葦折卵破者何也所託輕弱使之然也故

鳥有擇木之性魚有選擇之情所以務其翔集蓋斯為美也

心隱第二十二

二儀之大可以章程測也

廿九年為程限也

三綱之動可以表裏度也雷霆之聲可以鐘鼓傳也風雨之變可以音律和也故其象可觀不能匿其影有形可見不能隱其跡有聲可聞不能藏其響有色可察不能滅其情夫天地陰陽之難明猶可以術數揆而耳目可知至於人也心居於內情伏於裏非可以筭數測也凡人之心險於山川難於知天有春夏秋冬旦暮之期人者厚貌深情不可而知之也故心有剛而色柔容強而質弱貌慈而行慢性懷以逆而事緩假飭於外以明其情喜不必愛怒不必憎笑不必樂泣不必哀其藏情隱行未易測也日在天之外而心在人之內物亦照焉照之於外不可而偽內者也而偽猶生焉心在人之內而智又在其內神亦照焉外之於內無所取徵也而欲求其

情不亦難乎不潔在面人皆耻之不潔在心人不肯愧以面露外而心伏內故善飭其情潛姦隱智終身不可得而見也少正卯在魯與孔子同時

同其時代生在魯也

孔子門人三盈三虛唯顏淵不去獨知聖人之德也夫門人去仲尼而飯少正卯非不知仲尼之聖亦不知少正卯之佞子貢曰少正卯魯之丈人也夫子為政何以先之子曰賜也還非爾所及也夫少正卯心逆而佞

○ 諛佞也善問辯論而詞論亦佞也一本作論注誤也

行僻而聖

詞利急如蜂蜂強也剛如急利也

言傷而辯詞鄙而博曠非而澤

博言澤語

有此五偽而亂聖人以子貢之明見不能見知人之難也以是觀之佞與賢相類詐與信相似辯與智相亂愚直相像若薺芘水禮之亂人參蛇床之似蓆燕也

蘆蕪者是今之芎窮

俗之常情莫不自貴而鄙物重已而輕人觀其意也非苟欲以愚勝賢以短加長由于人心難知非可以准衡乎未能虛已相推故有以輕柳重以短凌長是以嬖母闕井自謂嫗

勝西施齊桓矜德自稱賢於堯舜若子貢始事孔子一年自謂勝之二年以為同德三年方知不及以子貢之才猶不識聖人之德望風相崇奚况世人而能推已耶是以真偽綺錯賢愚雜揉自非明哲莫能辨也

○ 知少正卯為魯大夫作亂之謀孔子為魯司寇語魯定公曰勇而有謀此亂天下也君可殺之定公誅少正卯也

通塞第二十三

命有否泰遇有屈伸否與泰相翻屈與伸殊

貫遼泰遇伸不盡歡智遭否會屈不專膚敏何者否泰由命屈伸在遇也命至於屈才通即塵遇及於伸才壅即通通之未也非其力所招壅之至也豈非智所迴勢苟就壅則口目雙掩遇苟屬通則聲眈俱明故處穴大呼

聲鬱數仞順風長叫響通百里入井望天不
過圓蓋登峯眺目極於煙際向在井穴之時
聲非辛嘍目非暴昧而聞見苟者其勢壅也
及其乘風踏峯聲非孟賁

古之多力人也

目非離婁

古之明目人也

而響徹眺遠者其勢通也買臣忍儼而行歌
王章苦寒而坐泣蘇秦握錐而憤懣班超執
筆而慷慨

徐令之子高祖封為定遠侯也

當彼四子勢屈之時容色黧黑神情沮悵言
為瓦礫行成狂狗髮露心憂影銷貌悴引歎
而雷轉噴氣則雲湧如騏驥之伏於鹽車玄
猿之束於籠圈非無千里之駛萬仞之捷然
而不異羸鈍者無所肆其巧也何異處穴而
望聲徹入井而欲暍博哉及其勢伸志得或
佩錦而還鄉或聲王於廊廟

朱買臣少時貧賤採樵後乃入漢得為本
郡太守佩錦還鄉也王章少時貧賤卧牛

衣而泣後於漢得為京兆尹常為廊廟之
臣者也

或合縱於六國之內

蘇秦字季子洛陽秦州人也少與張儀同
事鬼谷先生二人才名一等蘇秦初時歷
說六國三年而歸黃金用盡名位無聞乃
歸人問神情沮悵不為炊飯妻不為下
機父母兄弟不與語秦遂家中讀太公陰
符之書數月又東事趙得為丞相于時六
國微弱常懼秦侵總朝於秦秦又主縱六
國以拒秦秦人欲吞六國自以為橫蘇秦
謂趙王曰今者天下以秦為橫六國為縱
今又莫共事秦如秦興兵六國共擊之六
國自安秦國無為趙王遂許之秦乃即說
六國與曹魏燕齊趙楚合縱不事於秦經
二十年其後蘇秦死張儀相秦又來說六
國云蘇秦為人言語反覆以非為是以是
為非又與六國合縱不事於秦非久長之
計也以春秋論之小不事大非安國之基
於是破縱入橫後被秦總併吞遂至始皇

焚燒詩書坑殺學士清被神明始皇後死
葬於驪山三世至子嬰降漢高祖於軹道
者也

或懸旌於崑崙之外

班超少時貧賤嘗為人傭顧寫書過漢使
匈奴超投筆入幕伐於西域遂得勳効封
為定遠侯三十年後方得還鄉去時少壯
歸時髮白也

當斯之時也容彩光流神氣開發言成金玉
行為世則乘肥衣輕怡然自得快若輕鴻之
汎長風沛若巨魚之縱大壑何異順風而縱
聲登峯而長矚色津切

視貌也

人猶是也而昔如彼今如此者非為昔愚而
今賢故醜而新美壅之與通也水之性清動
壅以堤則波縮縮與同而氣齋決之使通循勢
而行從潤而轉雖有朽骸爛齒不能汚也非
水之性異通之與壅也人之通猶水之通也
德如寒泉假有沙塵弗能汚也以是觀之通
塞之路與榮悴之容相去遠矣

遇不過第二十四

賢有常質遇有常分賢不賢性也遇不過命也性見於人故賢愚可定命在於天則否泰難期命運難遇危不必禍愚不必窮命運不遇安不必福賢不必達故患齊而死亡殊德同而榮辱異者遇不過也春日麗天而隱者不照秋霜被地而蔽者不傷遇不過也昔韓昭侯醉卧而寒典官加之以衣覺而問之知典官有愛於己者以越職之故而加誅焉衛之驂乘見御者之非從後呼車有救危之意不蒙其罪加之以衣恐主之寒呼車憂君之危忠愛之情是同越職之愆亦等典官獲罪呼車見德遇不過也鷓鴣墮腐鼠非虞氏之慢虞氏將姊姊登樓而宴時有遊俠之客從樓下過正值老鷓在天半遺一腐鼠適值虞氏興樂之際齊聲大笑使客謂是樓上人故墮此腐鼠從上下之故將欺俠客以為笑樂俠客乃誅滅虞氏也

免

邾君是邾國之君與射姑醉而起邾君守門人就射姑乞酒錢射姑不與守門人心生惡言知邾君性急乃覆一盆水於門限邾君出見問曰此地何故門人報曰射姑尿之邾君性急故即呼杖殺射姑曰落火坑墮火而死矣射姑免死者也

遇不過也齊之華士樓志丘整而太公誅之魏之干木適世幽居而文侯敬之

魏文侯往干木之閭而見之文侯曰此非

干木間吾聞干木不肯事寡人寡人何敢不敬干木廣於德寡人廣於地干木優於義寡人富於財地財不如德義寡人以師禮事之何況敬乎遂致厚祿後聞秦反秦司馬唐沮諫曰魏有干木其人豐於德義文侯敬之必得人心未可侵也遂乃止兵不侵也

太公之賢非有減於文侯干木之德非有逾於華士而或榮或戮者遇不過也董仲舒智德冠代位僅過士

董仲舒是廣川人也言書通於群籍問無不知仕於漢取位至太中大夫也

田千秋無他殊操以一言取相

胡闡三老姓田名千秋年八十漢武帝年老心多憚為群臣厭穉遣江充專求巫蠱之氣江充與太子不善恐武帝崩太子立遂放狂云太子請銅人埋在御床下乃使師巫詐言宮中有蠱氣奏帝遣江充就宮掘床下得金人云是太子厭帝太子博士得罪乃謂太子曰今者江充與師巫反得銅人不知實有耶無以自明可執江充等推問取其實於是遂發兵襲殺江充以火炙師巫皆歎承江充詔格太子帝其時在甘泉宮中劉屈氂走報曰太子反殺江充帝是速出令將兵來圍太子太子以兵拒之戰於長安太子奔走一月三日田千秋上表救太子云江充不仁奸為巫枉太子無反意子弄父兵以將救命太子無罪可命追之帝年老思憶太子自遣人追訪太子太子已死帝感千秋拜為丞相所為

一言取相劉屈釐領三輔之兵左馮翊右扶風及京兆與太子戰太子敗績奔向城自縊而死後知太子無逆心遂起思子臺也

同遇明主而貴賤懸隔者遇不過也莊姜適衛美而無寵癭癭適齊醜而蒙幸

齊國有癭癭之女在田採桑遇齊王出遊諸人悉來看王唯癭癭女不看王使人問曰人皆看王女獨不看何也女答曰奉父母命只於採桑不令看王所以不敢看王也於是王曰此女是賢女欲以車載還國

女曰王欲載去不敢有辭今若隨王去是奔走之女是以不去王後乃將財帛往聘之將入國諸女及後官人皆聞王內妃採桑者之見是一醜癭癭之女盡乃笑之後王最寵幸之者也

遇不過命也賢不賢性也怨不肖者不通性也傷不遇者不知命也如能臨難而不憚貧賤而不愛可為達命者矣

命相第二十五

命者生之本也相者助命而成者也命則有命不形於形相則有相而形於形有命必有相有相必有命同稟於天相須而成也人之命相賢愚貴賤脩短吉凶制氣結胎受生之時其真妙者或感五行三光或感龍跡氣夢

降生凡庶亦稟天命皆屬星辰其值吉宿則吉值凶宿則凶受氣之始相命既定即鬼神不能改移而聖智不能迴也華胥履大人之跡而生伏羲女媧感瑤光貴日而生顓頊慶都與赤龍合而生唐堯握登見大虹而生舜脩紀見洞流星而生夏禹夫都見白氣貫月而生殷湯大任夢見長人而生文王頹微感黑帝而生孔子劉媪感赤龍而生漢祖微子感牽牛星顏淵感中台星張良感狐星樊噲感狼星老子感火星若此之類皆聖賢受天

瑞相而生者也相者或見肌骨或見聲色賢愚貴賤脩短吉凶皆有表診故五嶽崔嵬有峻極之勢四瀆皎潔有川流之形五色鬱然有雲霞之觀五聲鏗然有鍾磬之音善觀察者猶風胡之別劍

風胡是秦特別劍人也孫陽之相馬孫陽即伯樂善能相馬者也覽其機妙不亦難乎伏羲日角黃帝龍顏帝營戴肩顓頊駢肩堯眉八采舜目重瞳禹耳三漏湯臂二肘文王四乳武王齟齬孔子返宇顏回重瞳皋陶鳥喙若此之類皆聖賢受天殊相而生者也舜目重瞳是至明之相而項羽王莽亦目重瞳子越王句踐長頸鳥喙非善終之象夏禹亦長頸鳥喙王莽之重瞳譬驚馬有驥之一毛而不可謂之驥也鳥之長頸鳥喙猶龍有蛇之一鱗而不可謂之蛇也爰及衆庶皆有診相故穀子豐下叔興知其有後

穀子魯君之子也穀姓也初生允上豐下叔興善相占之曰此人有相後果王於魯允與豐周易卦也

衛青方穎黠徒明其富貴

衛青父與公主家婢私通生青後長成公主家自官大奴之見欺於衛青令共黑奴

衛青父與公主家婢私通生青後長成公主家自官大奴之見欺於衛青令共黑奴

衛青父與公主家婢私通生青後長成公主家自官大奴之見欺於衛青令共黑奴

衛青父與公主家婢私通生青後長成公主家自官大奴之見欺於衛青令共黑奴

